

# ԵՐԳ ԵՐԳՈՅ

1 2 3 4 5 6 7 8

## ԳԼՈՒԽ 1

**Ե**րգ երգոց Սողոմոնի:

- <sup>2</sup> Քու բերանիդ համբոյրներովը համբուրէ զիս, Վասն զի քու սէրդ գինիէն աղէկ է:
- <sup>3</sup> Քու իւղերուդ հոտը ախորժելի է, Քու անունդ թափուած իւղի պէս է, Անոր համար օրհորդները քեզ կը սիրեն:
- <sup>4</sup> Ջիս քաշէ ու քու ետեւէդ պիտի վազեն: Թագաւորը իր ներքին սենեակները տարաւ զիս: Քեզի հետ ցնծանք եւ ուրախանանք, Քու սէրդ գինիէն աւելի գովենք: Քեզ ուղղութեամբ կը սիրեն:
- <sup>5</sup> Ո՛վ Երուսաղէմի աղջիկներ, Ես սեւ եմ, բայց գեղեցիկ, Կեդարի վրաններու պէս, Սողոմոնին վարագոյրներուն պէս:
- <sup>6</sup> Իմ սեւցած ըլլալու մի՛ նայիք, Վասն զի արեւը զիս տեսաւ: Իմ մօրս որդիները ինծի սրդողեցան, Ջիս այգիներու պահապան ըրին, Բայց իմ այգիս պահպանութիւն չըրի:
- <sup>7</sup> Պատմէ՛ ինծի, ո՛վ հոգիս սիրածը, Քու հօտդ ո՞ւր կ'արածես: Կէսօրին ո՞ւր կը պառկեցնես: Քու ընկերներուդ հօտերուն քով Ինչո՞ւ թափառականի պէս ըլլամ:
- <sup>8</sup> Եթէ դուն չես գիտեր, ո՛վ կիներուն գեղեցիկը, Հօտերուն շաւիղներէն գնա՛ Ու հովիւներուն վրաններուն քով քու ուլերդ արածէ:
- <sup>9</sup> Փարաւունին կառքերուն լծուած ձիերուն նմանցուցի քեզ, ո՛վ իմ սիրուիիս:
- <sup>10</sup> Քու այտերդ զարդերով գեղեցիկ են եւ քու պարանոցդ՝ քառամանեակներով:
- <sup>11</sup> Քեզի ոսկեղէն զարդեր պիտի շինենք Արծաթէ կիտուածներով:
- <sup>12</sup> Երբ թագաւորը սեղանն էր, Իմ նարդոսս իր հոտը բուրեց:
- <sup>13</sup> Իմ սիրականս ինծի ստաշխի ծրարին պէս է, Գիշերը իմ ստինքներուս մէջ պիտի հանգչի:
- <sup>14</sup> Իմ սիրականս հինայի ողկոյգին պէս է ինծի Ենգադդիի այգիներուն մէջ:
- <sup>15</sup> Ահա գեղեցիկ ես, ո՛վ իմ սիրուիիս, Ահա գեղեցիկ ես. քու աչքերդ աղանիւններու աչքերուն նման են:
- <sup>16</sup> Ո՛վ իմ սիրականս, ահա գեղեցիկ ես ու վայելուչ եւ մեր անկողինը կանանչ է:
- <sup>17</sup> Մեր տուններուն գերանները եղեւնափայտէ են Ու մեր առիքները մայրի փայտէ են:

## ԳԼՈՒԽ 2

**Ե**ս Սարօնին ծաղիկն եմ Ու հովիտներուն շուշանը:

- <sup>2</sup> Ինչպէս շուշանը փուշերուն մէջ, Այնպէս է իմ սիրուիիս աղջիկներուն մէջ:
- <sup>3</sup> Ինչպէս խնձորենին անտառի ծառերուն մէջ, Այնպէս է իմ սիրականս

երիտասարդներուն մէջ: Անոր հովանիին տակ ախորժելով նստայ Ու անոր պտուղը իմ քիմքիս քաղցր է:

<sup>4</sup> Ձիս խնճոյքին տունը բերաւ: Անոր դրօշը իմ վրաս սէր էր:

<sup>5</sup> Ձիս կարկանդակներով զօրացուցէ՛ք, Ձիս խնճորներով ուժովցուցէ՛ք, Վասն զի ես սիրով կը նուաղիմ:

<sup>6</sup> Անոր ծախ ձեռքը իմ գլխուս տակ ըլլայ Ու աջ ձեռքը զիս գրկէ:

<sup>7</sup> Ո՛վ Երուսաղէմի աղջիկներ, Ձեզ այծեամներով կամ դաշտի եղնիկներով կ'երդմնցնեմ, Որ սիրուիս չվերցնէք ու չարթնցնէք, Մինչեւ որ ինք ուզէ: ԵՐԿՐՈՐԴ ԵՐԳ

<sup>8</sup> Իմ սիրականիս ծայրն է: Ահա անիկա լեռներուն վրայէն ցատկելով Ու բլուրներուն վրայէն ցատկռտելով կու գայ:

<sup>9</sup> Իմ սիրականս այծեամի կամ եղնիկի ձագի կը նմանի: Ահա հիմա մեր պատին ետելը կայներ է, Պատուհաններէն կը նայի, Վանդակներէն կ'երեւնայ:

<sup>10</sup> Իմ սիրականս պատասխան տալով՝ ինծի ըսաւ. «Ելի՛ր, ո՛վ սիրուիս, ո՛վ գեղեցիկս ու եկո՛ւր.

<sup>11</sup> Քանզի ահա ձմեռը անցաւ, Անձրեւները անցան գացին:

<sup>12</sup> Գետին վրայ ծաղիկներ կ'երեւնան, Յօտելու ժամանակը հասաւ Ու մեր երկրին վրայ տատրակին ծայրը կը լսուի:

<sup>13</sup> Ահա թգենին իր թուզերը կը հասունցնէ Ու որթատունկերը ծաղկեցան եւ իրենց հոտը կու տան: Ելի՛ր, ո՛վ սիրուիս, ո՛վ գեղեցիկս ու եկո՛ւր:

<sup>14</sup> Ո՛վ իմ աղանիս, վէմին խոռչներուն մէջ, Ապառաժին հովանիին տակ եկուր: Երեսդ ցուցո՛ւր ինծի, թող ծայնդ լսեմ, Քանզի ծայնդ քաղցր ու դէմքդ գեղեցիկ է:

<sup>15</sup> Բռնեցէ՛ք մեզի աղուէսները՝ Վասն զի մեր այգիները ծաղկեր են:

<sup>16</sup> Իմ սիրականս իմն է ու ես անո՛րն եմ: Անիկա իր հօտը շուշաններու մէջ կ'արածէ:

<sup>17</sup> Օրուան հովը չփչած ու ստուերները չհեռացած՝ Դարձի՛ր, ո՛վ իմ սիրականս Ու Բերերի լեռներուն վրայի այծեամին պէս Կամ եղնիկներու ձագին պէս եղիր:

### ԳԼՈՒԽ 3

**Ի**մ հոգիս սիրածը Գիշերը մահիճիս մէջ փնտռեցի, Ջանիկա փնտռեցի բայց չգտայ:

<sup>2</sup> Ելլեմ հիմա պտըտիմ քաղաքին մէջ, Փողոցներուն ու հրապարակներուն մէջ, Իմ հոգիս սիրածը փնտռեմ: Ջանիկա փնտռեցի, բայց չգտայ:

<sup>3</sup> Քաղաքին մէջ պտըտող պահապանները զիս գտան: «Արդեօք իմ հոգիս սիրածը տեսա՞ք», ըսի:

<sup>4</sup> Անոնցմէ քիչ մը առաջ անցնելով, Իմ հոգիս սիրածը գտայ: Ջանիկա բռնեցի ու չթողուցի, Մինչեւ որ իմ մօրս տունը Ու զիս ծնանողին սենեակը տարի:

<sup>5</sup> Ո՛վ Երուսաղէմի աղջիկներ, Ձեզ այծեամներով կամ դաշտին եղնիկներովը կ'երդմնցնեմ, Որ սիրուիս չվերցնէք ու չարթնցնէք՝ Մինչեւ որ ինք ուզէ:

<sup>6</sup> Ո՞վ է ասիկա, որ զմուռսով եւ կնդրուկով Ու փերեզակներուն ամէն տեսակ փոշիովը խնկուած՝ Անապատէն կ'ելլէ ծուխի սիւներու պէս:

<sup>7</sup> Ահա Սողոմոնին գահոյքը, Որուն բոլորտիքը Իսրայէլի զօրաւոր մարդոցմէ Վաթսուն զօրաւոր մարդ կայ:

<sup>8</sup> Ամէնքն ալ սուսերաւոր Ու պատերազմի վարժուած են: Գիշերուան վախին համար՝ Ամէն մէկուն սուրը իր ազդրին վրայ է:

<sup>9</sup> Սողոմոն թագաւորը Լիբանանի ծառերէն Գահաւորակ մը շինեց իրեն համար:

<sup>10</sup> Սիւները՝ արծաթէ, յենարանները՝ ոսկիէ, Բազմոցը ծիրանիէ շինեց, Որուն մէջ

Երուսաղէմի աղջիկները Խիստ գեղեցիկ՝ ասեղնագործած էին:

**11** Ո՛վ Սիօնի աղջիկներ, ելէ՛ք Եւ Սողոմոն թագաւորը տեսէ՛ք Այն թագովը, որով իր մայրը՝ անոր փեսայութեան օրը Ու սրտին ուրախութեան օրը՝ պսակեց զանիկա:

## ՔԼՈՒՄ 4

**Ա**հա դուն գեղեցիկ ես, ո՛վ իմ սիրուիս, Ահա դուն գեղեցիկ ես: Լաչակիդ մէջէն քու աչքերդ աղանիներու աչքերուն նման են. Քու մազերդ Քաղաադ լեռը պառկող՝ այծերուն հօտին պէս են:

**2** Ակռաներդ լուացարանէն ելլող խուզուած մաքիի հօտի պէս են, Որոնք՝ բոլորն ալ՝ երկուորեակ կը ծնանին Ու անոնց մէջ ամուլ չկայ:

**3** Քու շրթունքներդ կարմիր դերձանի պէս են Ու խօսուածքդ գեղեցիկ է: Այտերդ լաչակիդ մէջէն՝ Նուռի կտորներու կը նմանին:

**4** Քու պարանոցդ զինարանի համար շինուած Դաւիթին աշտարակին պէս է, Ուր հազար ասպար կախուած են. Ամէնքն ալ զօրաւորներու վահաններ են:

**5** Քու երկու ստինքդ նման են երկու ուլերու, Որոնք այծեամի մը ծնած երկուորեակներն են Եւ շուշաններու մէջ կ'արածին:

**6** Օրուան հովը չփչած ու ստուերները չհեռացած, Ես զմուռսի լեռն ու կնդրուկի բլուրը պիտի երթամ:

**7** Բոլորովին գեղեցիկ ես, ո՛վ իմ սիրուիս Եւ քու վրադ արատ չկայ:

**8** Ո՛վ իմ հարսս, ինծի հետ Լիբանանէն եկո՛ւր, Ինծի հետ Լիբանանէն եկո՛ւր. Ամանայի գագաթէն, Սանիրի ու Հերմոնի գագաթէն, Առիւծներու մորիներէն ու ինծերու լեռներէն նայէ:

**9** Սիրտս առիր, ո՛վ իմ հարս քոյրս, Սիրտս առիր քու մէկ աչքովդ Եւ պարանոցիդ մէկ քառամանեակովը:

**10** Քու սէրդ ի՛նչ գեղեցիկ է, ո՛վ հարս քոյրս. Քու սէրդ գինիէն աղէկ է Ու քու իւղերուդ անուշահոտութիւնը՝ Բոլոր խունկերէն:

**11** Շրթունքներդ խորիսխի մեղր կը կաթի, ո՛վ իմ հարսս, Լեզուիդ տակ մեղր ու կաթ կայ: Քու զգեստներուդ անուշահոտութիւնը Լիբանանի հօտին պէս է:

**12** Իմ հարս քոյրս փակեալ պարտէզ մըն է, Փակեալ աղբիւր ու կնքուած աղբերակ մըն է:

**13** Քու տունկերդ քաղցրահամ պտուղներով, Հինաներով ու նարդոսներով՝ նռնենիներու դրախտ են:

**14** Նարդոս եւ քրքում, եղէգն ու կինամոն, Ամէն տեսակ կնդրուկի ծառով, զմուռսով ու հալուէով Եւ բոլոր գլխաւոր խունկերով:

**15** Պարտէզներու աղբիւր, Կենդանի ջուրի ջրհոր Ու Լիբանանէն վազած հեղեղներ:

**16** Արթնցի՛ր, ո՛վ հիւսիս, եկո՛ւր, ո՛վ հարաւ, Իմ պարտէզիս մէջ փչէ, որպէս զի անոր խունկերը բուրեն: Իմ սիրականս թող իր պարտէզը գայ Ու իրեն ախորժելի պտուղները ուտէ:

## ՔԼՈՒՄ 5

**Ի**մ պարտէզս եկայ, ո՛վ հարս քոյրս, Իմ զմուռսս խունկերուս հետ հաւաքեցի, Իմ խորիսխս մեղրիս հետ կերայ, Իմ գինիս կաթովս խմեցի: Կերէ՛ք, ո՛վ բարեկամներ, Խմեցէ՛ք ու զինովցէ՛ք, ո՛վ սիրելիներ: **ՉՈՐՐՈՐԴ ԵՐԳ**

**2** Ես կը քնանամ, բայց իմ սիրտս արթուն է: Ահա իմ սիրականիս ծայնն է, դուռը կը զարնէ ու կ'ըսէ. «Ո՛վ իմ քոյրս, իմ սիրուիս, Իմ աղանիս, իմ կատարեալս, բաց ինծի, Քանզի իմ

գլուխս ցողով լեցուեցաւ Ու վարսերս՝ գիշերուան շաղերով»:

<sup>3</sup> Իմ պատմութեանս հաներ եմ, Ջանիկա ի՞նչպէս հագնիմ: Ոտքերս լուացեր եմ, Ջանոնք ի՞նչպէս աղտոտեմ:

<sup>4</sup> Իմ սիրականս իր ձեռքը ծակէն երկնցուց Ու անոր համար իմ աղիքս գալարուեցաւ:

<sup>5</sup> Ես ելայ, որ իմ սիրականիս բանամ դուռը Ու ձեռքերէս զմուռս ու իմ մատերէս ընտիր զմուռս կաթեցիմ՝ Փականքը բռնելու տեղին վրայ:

<sup>6</sup> Ես իմ սիրականիս բացի, Բայց իմ սիրականս քաշուեր գացեր էր: Երբ անիկա կը խօսէր, իմ հոգիս նուաղեցաւ: Ջանիկա փնտռեցի, բայց չգտայ: Ջանիկա կանչեցի, բայց ինծի պատասխան չտուաւ:

<sup>7</sup> Քաղաքին մէջ պտըտող պահապանները զիս գտան, Ջարկին վիրաւորեցին զիս: Պարսպին պահապանները քօղս վրայէս վերցուցին:

<sup>8</sup> Ո՛վ Երուսաղէմի աղջիկներ, ձեզ կ'երդմնցնեմ, Եթէ իմ սիրականս գտնէք, Անոր ըսէք, թէ ես իր սիրով կը նուաղիմ:

<sup>9</sup> Ո՛վ կիներուն գեղեցիկը, Քու սիրականդ ուրիշ սիրականէ ի՞նչ տարբերութիւն ունի. Քու սիրականդ ուրիշ սիրականէ ի՞նչ տարբերութիւն ունի, Որ մեզ այդպէս կ'երդմնցնես:

<sup>10</sup> Իմ սիրականս սպիտակ ու կարմիր է, Տասը հազարի մէջ երեւելի է:

<sup>11</sup> Անոր գլուխը զուտ ոսկի է, Վարսերը ցրուած ու ագռաւի պէս սեւ են:

<sup>12</sup> Աչքերը՝ վազող ջուրերու քով Կաթով լուացուած աղանիներու աչքերուն կը նմանին, Գամուած գոհարներու պէս են:

<sup>13</sup> Անոր այտերը համեմներու ածուին Եւ անուշահոտ ծաղիկներու թաղարներու պէս են. Շրթունքները զմուռս կաթող շուշաններ են.

<sup>14</sup> Ձեռքերը ոսկի մատնիներ են՝ Թարսիսի քարերով լեցուած: Որովայնը բանուած փղոսկր է՝ Շափիւղաներով ծածկուած:

<sup>15</sup> Սրունքները մարմարէ սիւներ են՝ Ընտիր ոսկի խարիսխներու վրայ հաստատուած: Կերպարանքը՝ Լիբանանի պէս, Եղեւիմներուն պէս ընտիր է:

<sup>16</sup> Անոր քիմքը՝ քաղցր Ու ինք ամբողջ ցանկալի է: Ահա այսպէս է իմ սիրականս, այսպէս է իմ բարեկամս, Ո՛վ Երուսաղէմի աղջիկներ:

## ԳԼՈՒԽ 6

**Ք**ու սիրականդ ո՞ւր գնաց, Ո՛վ կիներուն գեղեցիկը: Քու սիրականդ ո՞ւր դարձաւ, Որ զանիկա քեզի հետ փնտռենք:

<sup>2</sup> Իմ սիրականս իր պարտէզը՝ Համեմներու ածուները իջաւ, Որպէս զի պարտէզներու մէջ իր հօտը արածէ Ու շուշաններ հաւաքէ:

<sup>3</sup> Ես իմ սիրականիսն եմ Եւ իմ սիրականս իմն է. Անիկա իր հօտը շուշաններու մէջ կ'արածէ:

<sup>4</sup> Թերսայի պէս գեղեցիկ ես, ո՛վ իմ սիրուիկս. Երուսաղէմի պէս հաճելի ես Ու դրօշակիր զօրքերու պէս ահարկու ես:

<sup>5</sup> Աչքերդ ինծմէ դարձուր, Վասն զի անոնք ինծի յաղթեցին: Մազերդ Գաղաադ պառկող՝՝ այծերուն հօտին պէս են:

<sup>6</sup> Ակռաներդ լուացարանէն ելած մաքիներու հօտին կը նմանին, Որոնք երկուորեակ կը ծնանին Ու անոնց մէջ ամուլ չկայ:

<sup>7</sup> Այտերդ լաջակիդ մէջէն՝ Նուռի կտորներու կը նմանին:

<sup>8</sup> Թագուիկները՝ վաթսուն ու հարձերը՝ ութսուն Եւ օրիորդները անթիւ են:

<sup>9</sup> Իմ աղանիս, իմ կատարեալս, մէկ է, Իր մօրը մէկ հատիկը, Ջինք ծնանողին ընտրեալն է: Ջանիկա աղջիկները տեսան Ու անոր «Երանի՛» ըսին: Թագուիկներն ու հարձերն ալ

Ձանիկա գովեցին:

**10** Ո՞վ է ասիկա, որ արշալոյսի պէս կը նայի, Որ լուսինի պէս՝ գեղեցիկ, արեւու պէս՝ մաքուր Ու դրօշակիր զօրքերու պէս ահարկու է:

**11** Ընկոյզներու պարտէզը իջայ, Որպէս զի ծորին կանանչութիւնը տեսնեմ Եւ նայիմ թէ արդեօք որթատունկը ծլա՞ւ: Ու նռնենիները ծաղկեցա՞ն:

**12** Ես չգիտցած՝ իմ հոգիս Ամինադաբի կառքերուն պէս ըրաւ զիս:

**13** Դարծի՛ր, դարծի՛ր, ո՛վ Սողոմացիդ, Դարծի՛ր, դարծի՛ր, որպէս զի քեզ տեսնենք: Ի՞նչ պիտի փնտռէք Սողոմացիին վրայ. Իբրեւ երկու բանակներու գունդ:

## ԳԼՈՒԽ 7

**Ի**նչ գեղեցիկ են քու քայլերդ կօշիկներով, Ո՛վ իշխանի աղջիկ. Քու բարձերուդ կազմուածը՝ Երեւելի արուեստագէտի մը ձեռքով շինուած՝ Մանեակներու կը նմանի:

**2** Քու պորտդ ըմպելիքով լեցուն բոլորակ թասի մը կը նմանի: Քու փորդ շուշանով պատած ցորենի շեղջին պէս է:

**3** Քու երկու ստինքդ նման են երկու ուլերու, Որոնք այծեամի մը ծնած երկուորեակներն են:

**4** Պարանոցդ փղոսկրէ աշտարակի պէս է. Աչքերդ Եսերոն՝ Բաթրաբբիմի դրանը քով եղող աւագաններուն կը նմանին. Ունչդ դէպի Դամասկոս նայող Լիբանանի աշտարակին պէս է:

**5** Գլուխդ քու վրադ՝ Կարմեղոսի պէս Եւ գլխուդ հիւսուածքը ծիրանիի պէս է: Թագաւորը քու խոպոպիքներուդ կապուած է:

**6** Ո՛րչափ գեղեցիկ եւ ո՛րչափ քաղցր ես, Իմ փափկալի՛ց սիրուիկս:

**7** Քու հասակդ՝ արմաւենիի Ու ստինքներդ ողկոյզներու կը նմանին:

**8** Ըսի, Արմաւենիին վրայ ելլեմ, Անոր ոստերուն փակչիմ: Քու ստինքներդ՝ խաղողի ողկոյզներու պէս Ու ռնգունքներուդ հոտը խնծորներու հոտին պէս թող ըլլայ:

**9** Քու համբոյրդ ազնիւ գինիի պէս է, Որ շիտակ կը վազէ իմ սիրականիս Ու քնացողներուն շրթունքները կը խօսեցնէ՝`

**10** Ես իմ սիրականիսն եմ Եւ ան ինծի կը բաղձայ:

**11** Եկո՛ւր, իմ սիրականս, դաշտը ելլենք, Գիշերը գիւղերու մէջ անցընենք,

**12** Առտու կանուխ այգիները երթանք Ու տեսնենք թէ որթատունկը ծլե՞ր է, ծաղիկը բացուե՞ր է Եւ նռնենիները ծաղկե՞ր են: Հոն իմ սէրս քեզի պիտի տամ:

**13** Մանրագորները իրենց հոտը կու տան Ու մեր դմներուն մէջ, Բոլոր ընտիր պտուղներէն, թէ՛ նոր եւ թէ՛ հին, Քեզի համար պահեր են, ո՛վ իմ սիրականս:

## ԳԼՈՒԽ 8

**Ե**րանի՛ թէ իմ մօրս ստինքը ծծած եղբօրս պէս ըլլայիր: Երբ քեզ դուրսը գտնէի, պիտի համբուրէի Եւ զիս պիտի չանարգէին:

**2** Քեզ առաջնորդելով իմ մօրս տունը կը տանէի, Որպէս զի ինծի սորվեցնես: Քեզի հոտաւետ գինիէն, իմ նռնենիիս օշարակէն պիտի խմցնէի:

**3** Ձախ ձեռքը գլխուս տակ Ու աջ ձեռքը զիս կը գրկէր:

**4** Ով Երուսաղէմի աղջիկներ, ձեզ կ'երդմնցնեմ, Որ իմ սիրուիկս չարթնցնէք ու չվերցնէք, Մինչեւ որ ինք ուզէ:

**5** Ո՞վ է ասիկա, որ իր սիրականին կռնած՝ Անապատէն կ'ելլէ: Քեզ խնծորենիին տակ

արթնցուցի: Քու մայրդ քեզ հոն ծնաւ, Քու ծնողդ քեզ հոն ծնաւ:

<sup>6</sup> Ձիս քու սրտիդ վրայ կնիքի պէս, Քու բազուկիդ վրայ կնիքի պէս դիր. Վասն զի սէրը՝ մահուան պէս զօրաւոր Ու նախանձը գերեզմանի պէս խիստ է. Անոր կայծերը սաստիկ բոցավառ կրակի կայծեր են:

<sup>7</sup> Շատ ջուրերը չեն կրնար սէրը մարել Ու գետերը զանիկա չեն կրնար ընկղմել. Եթէ մարդ մը սիրոյ փոխարէն Իր տանը բոլոր ստացուածքը տայ, Չանիկա բոլորովին կ'անարգեն:

<sup>8</sup> Պզտիկ քոյր մը ունինք Ու անիկա ստինք չունի: Մեր քրոջը ի՞նչ ընենք Անոր մասին խօսուած օրը:

<sup>9</sup> Եթէ անիկա պարիսպ է, Վրան արծաթէ աշտարակ մը շինենք Եւ եթէ դուռ է, Չանիկա եղեւնափայտի տախտակներով պատենք:

<sup>10</sup> Ես պարիսպ եմ Ու իմ ստինքներս անոր աշտարակներն են. Այս պատճառով անոր առջեւ կը նմանիմ անոր, Որ խաղաղութիւն կը բերէ:

<sup>11</sup> Սողոմոն Բաաղամոնի մէջ այգի ունէր: Անիկա այգին պահապաններու տուաւ, Ամէն մէկը անոր պտուղին համար հազար կտոր արծաթ կը բերէր:

<sup>12</sup> Իմ այգիս իմ առջեւս է. Ո՛վ Սողոմոն, հազարը քուկդ ըլլայ Ու երկու հարիւրը անոր պտուղը պահպանողներուն:

<sup>13</sup> Ո՛վ պարտէզներու մէջ նստող, Ընկերները քու ձայնդ կը լսեն. Ինծի ալ լսել տուր:

<sup>14</sup> Շուտ ըրէ՛, ո՛վ իմ սիրականս Ու խնկաբեր լեռներուն վրայ Այծեամի կամ եղնիկներու ձագի նման եկո՛ւր:

For other languages please go to [www.wordproject.org](http://www.wordproject.org)